

# 儋縣志卷之二

## 地輿志八 海港

新英港距縣治八九里港南由春江經沙地口流至貓鵝港滙於新英港東北由北門江（即舊志宜倫江）亦滙於新英此港南西北三面臨海南以大鵝港爲濟渡處北以小央港爲濟渡處西南經過南岸禾囊村前小港出馬井西浦洋浦而交大海港北至北岸境瀕海多石無甚沙積惟港南非潮來時水深數尺不能徒涉近年以來因港南海濱多屬浮沙每經大雨後沙隨淡水沖入港內而以春江之沙爲甚多近日大小船隻雖乘朝出入然亦苦於攔淺倘非設法濬深將沙愈積愈高操海業者諸多不便應急籌救濟之方先由春江開至貓鵝港並開至新英俾船至新英港時可至縣治之米隆港一舉兩便莫善於此

白馬井港距縣治二十里港北直至鹹塘西浦東浦等處港前數十丈水量深可丈餘可停泊輪船戰艦其海業則以拖風船爲多因其水量稍深拖風船可以隨時出入若新英港則水量稍淺必待海潮漲滿而後重量之船可以出入故海業則以紅魚船爲多由馬井港出至津口（即三家津）水量深不可測船經此處必須審慎

洋浦港距縣治三十餘里周圍皆石水量數丈凡輪船戰艦皆可停泊可容大小船隻數百號年來政府擬在此開闢商港本年元月有輪船至此測海將及一月經浮一石鼓於港內並立目標鉄桿二處於港岸之旁其港靠北面南西則石山圍繞所有北風北浪均不能吹撼故船之停泊是港者雖有風浪亦安穩如常惟石山末處有沙尾伸入大海約二三十里前設燈樓一座於此凡船欲入是港者必先試水量察視航線以免攔沙之險

神確港在延瑞里神確鄉水量甚淺港口亦狹海潮漲時可容帆船出入其航線可通海口高雷各港及赤坎廣州灣等處洋界

峨蔓港在登龍里之北距縣治五十里口窄而內闊潮長時可容式三千担帆船出入惟港外多礁石潮退時水量極淺且沙石彌漫小船亦難入港其入港水程約一里餘

滴灘港腹深口淺潮長時港腹水約丈餘可容二三千担大船潮退時水淺露沙褰裳可

儋

縣

志

卷二

地輿 海港

一

瓊州海口海南書局代印

涉查峨岷滿灘兩港出口即交大海爲交通最便之區或因石阻或因沙擱惟設法開闢將來可成兩大港焉

干冲夏蘭港入口狹窄潮長時可容一千担重量之帆船出入惟港外多礁石最大一石高六尺大四尺阻碍港外不能入輪船潮退水淺只容小帆船出入入港水程約一里闊亦如之年前該港人集貲開闢頗有成績因力不繼是以中止若能再接再厲購買開石機器認真工作必能達其目的也

莪廉港分爲式其上爲沙堤長約三十餘丈其下爲石堤長亦三十餘丈潮漲沒堤可容五六百担（每担一百斤）帆船直入鄧塘潮退時則船泊在港中

黃沙港距大祿域村約四里港周圍四十餘丈多礁石潮漲沒礁無論帆船輪船誤觸此礁即發生危險民六有美國輪船在此港外觸礁沉沒損失甚鉅惟距礁十餘丈近岸平沙有池口大如盃深僅三寸然泉由平沙湧出夏涼冬溫可以醫愈瘡毒

魚骨港在承恩里片石市之北潮長可泊船潮退則淺無堤岸以阻禦北浪

黃沙港在片石市東北港門灣曲船隻難入潮退水八九尺之深前清道光時魚船貨船

儋

縣

志

卷二

地輿 海港

二

瓊州海口海南書局代印

極盛今則寥寥無幾惟望操海業者努力恢復爲要

鹽場

魚骨港東場村沿舊法開晒海鹽只沽供本地之用

鹽田

黃沙港那陸村出鹽可載往臨高洋浦等埠發沽北邊一帶多出魚利

光村港在光村鎮前里許與舊永昌市遺址爲近潮長時可泊大船海口貨物直接運至此港該鎮生意殊爲利便其水道可通海口高雷各港並赤坎西營廣州灣等洋界

堆積港距光村港二三里民國 年開設商店三十餘間港近大海船隻出入甚便近因航業進步商店生意有日日增進之勢其水道與光村港同

東場港在光市東北居民約百餘家與泊潮港對面隔一海汊上游由鹽灶頓吉有淡水流經港前出海港前水量不甚深只容捕魚小船停泊港上有平岡數里此外即臨高地界

泊潮港在光村市東北與光村市平原迤下之陸地相連居民三百餘家與東場港對面

隔一海汊港前淡水交鹹水之處與東塲同惟此港除有漁船外加造稍大渡船港之北卽至臨高新盈港儋臨分界卽在此海

煎茶港在德慶同慶兩里交界處導源自同慶里利樂村之雙峰岸谿及新洋市雲青村一帶水田長約二十餘里西面通海港渡口在南華市路經過之處水量不深昔足泊寄小舟於此今則浮沙淤積涉水可過撐渡亦廢

觀音嶋乃岬石附近煎茶港昔有海寇藏匿清道光時派楊道興汛防於港西之那响村王開桂汛防於港東之田頭老市兩汛兵巡頗稱得力民國以來保衛著績公路通達地方均臻平靖矣

海頭港爲德慶樂善兩里水道出入之咽喉港口接海頭江內通黎境但港道兩旁石立中積浮沙大船出入須視潮汐爲進退交通殊感不便且易藏奸宄清道光間曾設水師船汛駐於此港口鎮扼處其濱外通大海內通黎方人民到此交易頗盛而漁船亦多計今罟船約四十餘艘釣艇及渡艇約式百餘隻

海頭江導源於黎峒探花嶺之麓長約三百餘里經德慶里老市村那歷村紅坎村新市滿田村之間南出支流名爲大港港繞那歷新市滿田之南匯於海頭港出海頭江水深淺不時兼之江岸狹而曲僅可通小艇然值山泉暴發時其水泛溢每爲田廬人畜之災惟以地接海港魚鹽舟楫利賴亦大沿江各鄉鎮渡口皆置渡艇以便交通

地輿志九 市鎮

新州鎮自民國十四年設立居戶約六七百之譜有縣政府琼山地方法院儋縣分院中山紀念堂圖書館初中學校高小學校警衛隊新州鎮公所平民醫院各一街道分中山街仲愷街廷芳街民生街民權街石牛街市場分東西兩所東廂有碉樓一牌樓一現年中山街舖戶經建築騎樓其餘各街逐漸建築各街道均築成馬路各處公路皆由此鎮起點現時生意以仲愷街及附近市場之街爲最發達水路則以米隆港今稱爲新州港可以泊船所有貨物由海頭洋浦馬井新英等交運來者卽泊此港惟水量不甚深不能容過大之船

王五鎮 舊名黃武 距縣治西十六七里東西北三面臨平疇惟南一面後負山林地勢雄渾

儋

縣

志

卷二

地輿 海港

三

瓊州海口海南書局代印

高踞俯視民戶八百餘間街市商店一百餘人民除學業商業外工業農業尤爲發達蔬菜出產稱爲全縣之冠黎方山貨海濱魚鹽及各鄉之糖米雜糧咸集合交易於此誠爲瓊西交通之一重鎮也民國十八年改良市政建設騎樓開築馬路有區黨部小學校農會工會商會市政改良會風俗改良會等組織自治機關則有鎮公所警衛小隊分隊各一儋珠公路以本市爲中心王成公路亦起點於市汽車通行更獲利便也中和鎮卽舊州治中和里共三千餘戶距新縣八里自民九土匪焚燬全城後城民於民十二陸續恢復宅舍商店廟宇已達十之七八商店共壹百陸十間左右商業較前尤盛鎮內設有縣立高小學校鎮公所警衛分隊市政改良會商會平民醫院第一第二市場等民十六復改建商場騎樓修築馬路至十七年落成南向修築汽車枝路均與新縣長坡幹路銜接經於民廿年七月通車廿三年由官廳督促北向各里經興工添築公路由倫江直達北岸一帶現禾通車

東成市在尙義里之中心點距縣治約四十餘里商店數十間從前商業甚繁銷貨以穀米爲多自遭民國十三四年八屬軍隊兩次焚毀之後恢復至今尙未完全

儋

縣

志

卷二

地輿 市鎮

四

瓊州海口海南書局代印

新英鎮距縣治八九里路商店百餘間魚類雜貨行銷最盛設有警區稅關新建騎樓馬路直接儋英公路民國十八年六月通車

馬井鎮距縣治二十里商店四十餘間魚類行銷最盛雜貨次之設有警區及稅關

長坡鎮距縣治三十里自前清康熙年間改立坡廣約十里由西邊山村至茅坡村鎮內三百餘戶商店數十間工業以鉄工製熟牛皮爲多舊有明新書院連三帝廟上下共式座及兩廊前清宣統元年鎮紳林之升改爲初等小學校民二改爲初級小學民國改爲國民學校民十四年增設高小班至今照辦其街道舊日牛車通行輾踏不堪民國四年張吉鯤縣長令改車路免得街道泥濘鎮民捐貲買路沿鎮邊拖過鐫碑誌之自改良市政後築馬路建菜場設有鎮公所一附設警衛所民國十八年始通車然尙未設立車站

永隆市在延瑞里距縣治四十里商店三間民國十六年曾設地方保衛團一所現已停辦

七里市距縣治東北十七里商店七十餘間騎樓馬路未經建築貨物以猪仔行銷最盛

設有警衛分隊一所

高棠市 今廢

海門市 今廢

龍山市距縣治四十里舖戶三十餘間有數間沽酒餘皆耕業

東山市（即木棠鎮）距縣治二十里商店二十九間設立第八區區公所警衛隊隊部地

方稅徵收處各一所民國二十三年防軍連長郭高政訓員容國瑞提倡建築全鎮舖

石馬路

高隆市附近莪嶼在筆架嶺西距縣四十餘里大小商店三十五間市內無稅關警區並

未改建騎樓馬路

白沙市在湍灘港之左距縣治四十餘里大小商店二十一間市內無稅關警區並未改

建騎樓馬路

太成市在德義嶺之東距縣三十餘里商店八十五間自前清雍正四年設立民國五年

梁縣長令設風俗改良會七年吳縣長令設第貳區保衛團十五年改爲第四區自衛

儋

縣志

卷二

地輿 市鎮

五

瓊州海口海南書局代印

團十七年改爲第四區保甲聯團十九年改爲第七區自治區公所二十年改爲第七區區公所籌備委員會廿一年成立第七區區公所市內生意繁盛人烟稠密但現未改建騎樓馬路若當局實力整頓必臻發達也

洋浦鎮距縣三十里商店十餘間春夏兩季不若秋冬兩季生意繁盛因秋冬間漁船均集於此而買魚客船亦到此交易故也出口者以魚類魚翅魚鰾爲多年前縣府屬行改良市政命令後經闢一新街計劃舖屋基定舖線現已建築商店數間將來海業發展必櫛比鱗次也查此港曩時規模狹隘屋邊是坎坎邊是屋既防清潔尤碍觀瞻欲擴充住戶每阻於風水之談年來掃除迷信近屋之坎已遷徙多處然阻碍者仍不少有心市政者積極進行以重民生可也

干冲鎮居民四五百家立有鎮公所一所

洋浦新街在洋浦港之後一名中興街於民國二三年建設距縣約三十餘里商店三十餘間然生意不甚發達

永隆市在拱極里距縣約六十里商店十三間並未設立稅關警署亦未改建騎樓馬路

其產物以菜豆爲大宗

片市石在承恩里距縣五十五里到龍山市接臨公路商店二十餘間其舖戶皆建屋於石片之上

光村鎮（又名玉成市）在振德里距縣六十里商店式百餘間設有地方稅區公所公安分局各一所貨物以蒔米菜豆紅糖爲最盛

抱舍鎮在近恩里距縣九十里商店百餘間設有鎮公所小學校各一所貨物以竹與大蒔穀米爲多民國二十一年匪入市劫殺市民逃散者多現年王定華團長駐僑後派陳楚江連長駐此市街公園建有成績恢復學校招撫居民已非從前之寂寞矣

那大鎮距縣一百二十里商店六百餘間冬季設糧站一第三區自治公所一鎮公所一警衛隊一高小學校二舖戶改建騎樓者祇得其半街道用火磚灰沙築成貨物以穀米花生油爲最盛設三等郵局一所前清光緒十五年雷瓊道方長華奉旨開黎行轅駐此設有電報局南達五指嶺北達郡城甫一年即撤銷電線電話今年始通美國設福音堂醫院靈光學校佶安寧女學各一在鎮之後原前清光緒十五年創設迄今四

儋

縣志

卷二

地輿 市鎮

六

瓊州海口海南書局代印

十六年教民約數百僑興實業公司分設僑植僑立僑生等小公司自前清末葉開辦民國以來陸續增加開琼植橡公司及萬隆實業公司以上各公司不知辦理不善抑係資本不足日就減色現有琼崖實業公司那中金鑛公司開辦以來頗有成績該里言語以客語爲多臨高話次之惟那大鎮則全說軍話該鎮爲琼西交通樞紐汽車通行公司林立商業頗盛倘墾務鑛務積極進行則地方發達日後必爲一重鎮也

和慶市於前清光緒十六年創設在儋界附近永慶沙橋商店七十餘間前曾開辦民國學校一所於關帝廟因欸項不足今已停辦民國七年美國牧師王道琼設立福音堂一所市旁有符氏大宗祠一間今設國文專修科一班於此那和公路通過市中南隆市（即木排市）商店五十餘間設立國民學校一所

洛基市在正嘉禾里距縣七十餘里商店乙百餘間舊設保甲團今改爲警衛分隊貨物以穀爲多紅糖花生黑荳油蔴等物行銷於東成長坡及臨高南保等市大星市在啓秀里距縣南六十里商店一百餘間爲南方交通出入門戶那大附近各鄉及黎方穀米紅糖生果之荔枝龍眼黃皮柑子楊桃波羅梅子等物山貨之蜂糖黃蜡

麋皮甲皮銷售於王五新英新縣舊城長坡光村等處設有鎮立小學校第四區區公所鎮公所各一郵政信櫃亦設於此近市之文明驢牛塘黃坭溝三鄉鄉公所亦同設立在市

和南市在大星市南十餘里距縣八十里係昌榮市所移設商店十餘間多係茅屋惟設有初級小學校一間樓房高敞俱適於用近市之和南江圍兩鄉鄉公所亦同設於此南辰市在大星市南四十里距縣一百里有奇商店七十餘間生意不甚發達那盛公路由此經過設有初級小學校一間鎮公所一所近市之新營朝允兩鄉鄉公所亦同設於此

順興市在長春里距縣南一百里有奇商店式十餘間爲那大和盛交通之路至和盛六十里至那大式十里那盛公路通過市中現已通車金富鄉鄉公所設立於此巴黎市在長春里距縣東七十里商店式十餘間巴黎清風兩鄉鄉公所設立於此大成市在正太平里距縣八十餘里大星西南二十餘里民國十五年設立商店百餘間市內設立初級小學商會鎮公所各一附近調南新坊兩鄉鄉公所亦設立於此

儋

縣

志

卷二

地輿 市鎮

七

瓊州海口海南書局代印

塘舖市距縣七十餘里在大星市西二十里商店十餘間茅舖瓦舖各居其半市內設有塘舖及兩鄉鄉公所現籌設國民小學一間於此

太平市（又名茅地市）在大星市西北三十里塘舖西二十餘里距縣九十餘里商店十餘間設立太平鄉鄉公所於此

石牛市距縣一百里在大星市西四十里商店十餘間設一鄉公所於此

和盛市距縣治百有式十里屬副太平商店百間前有警察後改爲保衛團自衛團保甲團今改爲鎮公所黎民多出此市貨物以椰肉筍干甲皮麋皮等爲多

排浦鎮屬同慶里距縣四十五里商店百餘間若往海頭陸行經此黎柴木料頗多設鎮公所小學校各一所居民多數商業因前面有港少數造船拖風每年夏秋間瓜子出口最多

南華鎮屬同慶里距縣六十五里商店百餘間若往海頭經排浦復經此過面前有港魚鹽船到黎柴出市互相交易每年夏秋間惟瓜子出口最多  
超頭市屬同慶里距縣三十五里商店數十間設鄉公所一所

英南市屬同慶里（又名田頭市）距縣四十六里前清光緒年間全被燬焚迄民國十二年始行恢復現約數十家設鄉公所一所

新洋市屬同慶里距縣入十五里商店數十間前清道光年間被燬後雖恢復安居然生意稀少設立鄉公所一所

珠江市在樂善里距縣一百式十里前清光緒三十四年樂善里人請諭設立自宣統至民國六七年商店三十餘間已成貿易場經設恒安公局改爲保衛團自衛團越三十四年八屬軍及軍民蹂躪今感寥落十九年里人復設保甲團於市

曙碧市距縣一百式十里後枕德康嶺前臨曙碧塘儋珠公路經市右過商店二十餘間現有市政會一所以資督促建設市場

新市在德慶里距縣一百三十里商店五六十間貨物出口以瓜子土糖木料骨革木棉檳榔爲大宗生猪次之入口則鉄鍋陶器雜貨等物街道未設騎樓馬路惟新興市與老市四圍皆水一奇域也

港口鎮在德慶里距縣一百三十里商店百數十間惟沙尾有茅房數十間多係臨高吳

儋

縣志

卷二

地輿 市鎮

八

瓊州海口海南書局代印

川僑民所寓生意以貨攤爲多設有公安分局自治區公所各一貨物出口以魚類爲多生猪次之入口以油鹽船板蓬蓆纜繩甘蔗爲大宗

海頭老市在德慶里距縣一百三十餘里商店百餘間有鎮公所小學校各一地勢四面水繞與那歷村新市毗連由市開支路銜接儋珠公路

以上採訪冊

地輿志十 橋渡

大江橋在城北門外久圯

小江橋在大江北一里久廢

登東橋在東郭外明嘉靖四十年訓導劉郁捐修長三丈餘寬一丈旁有溝二一洩山

谷水一洩 府志 湍慶學田水

民國二十三年甲戌國民革命軍獨立團團長王定華

倡修東坡祠及增築東坡公園後修復橋梁填築大路汽車來往直達公園東坡祠

頭門外 採訪冊

饒豐橋在州東三里高地村右州志增久廢

馬鞍橋在城外東南今廢

迎恩橋在城北二里明成化間知州羅傑建石橋萬歷十八年知州陳節因建掇魁橋  
柝石用之遂廢

新小江橋明萬歷二十九年吏目林五倫創建四十二年知州曾邦泰重修久廢

洗兵橋在城東番洋村明副使涂棐征黎屯兵建橋溪上久廢

掇魁橋在大江橋上流明知州陳節建萬歷四十二年知州曾邦泰修久廢

瓦窰橋在州東康熙三十五年知州李仲極倡修

那大橋在州東南一百二十里那旺村南查河道道光四年州人李應捐建

新昌渡在州城南十里潮汐不時往來病涉康熙四十五年知州韓祐捐置渡船更名  
宏濟渡

大村渡在城南一百九十里抱驛都

新英渡在城西十里新英都

儋

縣志

卷二

地輿 橋渡

九

瓊州海口海南書局代印

三家渡在城西三十里

新昌渡在城南十里大英都明嘉靖間巡檢黃成善設渡久廢清知州韓祐復設改名  
見上

石巖口渡在東門外大江邊夏秋水漲有小舟可濟以上府志

筒口橋距縣東北十七里相傳儋州知州王師旦建

零春橋距縣東北二十里高約三尺長約四丈寬約三尺設水門五

螞蟻橋距縣東十六里相傳宋處士許康民建歲久崩圯尙待修整

花中橋距縣東北十三里明末七里村父老捐貲建築高約六尺廣三尺餘長二丈設  
水門五

七里板橋距縣東北十五里高約六尺廣四尺長八丈設水門四

西邊橋距市西北十里明末何希聖建高約五尺廣三尺長一丈設水門二

茅坡竹橋距縣東北十二里茅坡天堂等村捐建

白虎橋在陳坊小江之中長可三丈廣可一丈全用黑石築成爲馬路頭一帶地方人

民出入要路現被冲壞

巴黎橋距大星市八里爲大星那大來往之要道相傳陳君<sup>失名</sup>重修至今尙見完固

永慶河橋清道光年間祥發里紅石村彭忠育修造民國六年河水冲崩彭姓子弟重行修整那和公司開築公路添築鞏固汽車可駛過橋面

普濟橋在曙碧市之大水路口長約二丈許闊約三尺許全石砌成爲海頭珠江來往要道嘉蘭村人姜朝忠所建近被冲壞伊孫等正擬重修以便行人<sup>以上據採訪冊補</sup>

### 地輿志十一 井塘

龍滾井在敦教村之西南離縣治半里許分大龍滾小龍滾大龍滾前經修築海潮雖平鋪井面然潮水方退此井湧出之泉甘而不鹹亦井泉之奇異者也民國二十一年陳家炳縣長重修碑刊清泉二字井之北有白沙墩面積三四丈其形如月潮漲環繞堪輿家號爲月浮海面云云

坡井在州西門外坡井村相傳蘇文忠公所鑿四時不竭井泉清甘因名坡井

儋

縣志

卷二

地輿 渡橋

十

瓊州海口海南書局代印

八角井在城南門內觀音菴

教場井在城外教軍場

分司井在城內分司前

欽帥泉在城東里許東坡祠載酒堂之左

普濟井在寶山村其泉甘而常滿隣村普濟遇旱不涸舊有碑刻利源普濟四字

雙龍井在西方村兩口相距不及一丈其水性清淡各異

龍滾井在泮山村邊海潮常鋪井面然潮退則泉仍甘而不鹹

寒潭在曲潦村前南灑水田厥土黑泥植物可收三次田上平岡荒地縱橫四五里岡之

窩有源泉一處名爲寒潭石圍三面其水不深其源不竭夏天雖炎人到潭上頃刻涼極若冷旱時其水可灌溉田畝農人利賴之

品字塘在新地林內長約四丈廣五丈天將雨之先四五日則塘起青色梅花點旋轉於水面雨後依然<sup>以上興文里</sup>

紅坭井在王五市東馬路之旁深約丈餘水清而甘試驗水質較他井爲重可供八百餘

戶汲用逢旱諸井皆涸此獨源源不竭焉有碑刻丹泉益壽四字此井鑿成已二百餘年越民國四年井底圯塌市局紳周林錦市董薛體錦陳有聚等募捐重修尤爲堅固高龍井在王五市大園坡此井雖淺其泉不竭其中水質重量與紅坭井相等（載入舊志）

新村壩在縣治南十五里築堤灌田四百餘頃

王五大塘在縣治南二十里塘底水深不測魚最多每歲攔網罩捕者二三次其水灌田二十餘頃

趙家溝在縣治南十八里灌田三十餘頃

靈郎陂在縣治南十里該村人沿新昌江（即今名春江）塞陂引水灌田四百餘頃

鵝口江在縣治南十二里產魚以鱮魚爲最佳巨口細鱗肉細味美可與松江鱸魚媲美

沿江戽水灌田五百餘頃（以上崇文里）

書村井在該村面前深僅三尺許水清甘底澄澈有月映波心魚兒畢現之景大旱江水斷流而泉水漂流晝夜不息附近田坡約數百畝胥賴此泉灌溉

風車塘在小高地村邊塘闊水深利於灌溉塘邊之田收穫恒豐

儋

縣

志

卷二

地輿 井塘

十一

瓊州海口海南書局代印

黑水溝山豬坑兩水俱在高地村後灌溉東南北一帶灑出涓涓不竭流半里兩水合流

過高地村右入江

塞塘在水井村面前滙瀦潑洄灌溉坡田

龍滾井在田坊村面前灑田 中源泉上湧流灌十數畝之田上接山屋灑湧下流過大

橋澇至高地饒豐橋會合入江

陳家井在書村深僅一二尺水湧不窮除汲挑外可灌田十餘畝

書村溝在書村東面源高流遠近源之田可資灌溉

出水巷在水井村下關源雖不深其流不竭可灌田十數畝（以上景賢里）

太平江下流平地江在東成市之北江水可灌田數十畝

**翁**路坡江上流是翁淨江下流是大村江灌田甚多遇旱水亦缺乏

天青江在尙義里其流爲儋臨天然分界

長嶺江下流里許古建有秋華官碑一座其流可灌田數十畝下流十餘里即榕橋江（以上尙義里）

大江源出於龍滾潭江面廣約五丈深約丈餘流通春江（舊志新昌江）而入於海長約百餘里沿江兩岸如打黎杼鏡坡鳳朝禮樂木萬頭光村京坡大塌等村皆汲江水至妙山益花糧料徐浦等村則需江水以資灌田

仙塘在糧科村前面積二畝塘生綠荷夏天最盛故其村又名

蓮塘村塘有大江小江水路江其流域每有水車戽水以資灌田水路江側有樹林一帶在糧料村東南古木陰森猗猗綠竹景色幽雅可供遊覽

黃基澇源出黃基嶺之裂地中長約十餘里其流可資灌溉大雨後水漲冲沙掩田不少（以上興賢里）

新河田塘在藤根村西北面積十餘方丈水深三尺旱時可資灌溉

黑利溝在藤根村東北源出於東北裂地中長約三里餘流會貓鵝港（即新縣面前泊船處）入於海溝流經過之黃坭低坑北路等處旱時可塞水入田

斜勞澇在藤根之東南其流經過藤村藤陽等村坡中交川江而入於海旱時澇水可資灌田

川江廣十餘丈水不甚深下流入海故江水每隨潮汐而漲可容小船運載上流沙地村築堤放水入田

潮園大潭在沙地村之左源出於大江面積式十方丈水深丈餘產魚頗盛潭岸有水泉涓涓不息灌溉田畝甚多

長方塘在興仁里長五十餘丈闊五丈餘水深三四尺雨時或六七尺塘生葦草可製草包旱時塘水可資灌田相傳前清嘉慶年間江水漲入冲田成塘以上興賢里

長坡鎮楊家井味清甘而水量重

長坡村井水味甚甘其量亦重以上興仁里

英帽塘在案江村西南旱時一則可資灌田一則可供近村牧牛飲料

新村塘在村之東塘水可資灌溉種菜牧牛亦需此塘水

英帽井在案江西南其水甚清旱時人多汲用惟非本里人飲之則發瘧疾

碑井在白朗村南水味甘而不竭雖逢久旱仍可供數百家人物之用

巷口井在巷口村南水質甚良雖旱亦可供附近各村之用

小石井在鹹樂村東南此井石生天然井人力所鑿舊時深可五六尺近因坭沙冲沒深只尺餘然其水仍晝夜不涸以上延瑞里

天堂塘距縣北十式里舊志八景之一塘之周圍四時草皆碧色而於春尤佳（天堂春色）取此義也年來塘坎可以種稻惟塘之有水處多種甕菜每年天堂村獲菜之利不少

臨清塘在縣北十一里前資灌田今則源塞流希只可供澆菜之用

石牛潭在縣東北二十里前時深不可測今則深約丈餘水底有石如牛故名

橫山灑灑在縣東二十三里發源有二一自灑腰灑頂一自橫山灑頂流經水合澇油行澇後底澇產坎澇紅珠坎澇浣衫澇

學堂澇澇尾澇灌溉山春橫山零春產坎等村田畝約數十頃

許坊井一名畧頭井在縣東北二十里泉清而甘雖旱不涸

山春井有二皆名葫蘆井在縣東二十里水極甘冽相傳泉通大江江水漲時井水亦漲惟江濁而井清雖旱可供數百家汲浣牧牛之用

儋

縣

志

卷二

地輿 井塘

十三

瓊州海口海南書局代印

滿丹陂在縣東三十里水自李許都馬蝗山流出元末水嘗泛滋酋長陳薦觀通洩於大江明正統二年宜倫縣丞何暉築陂以灌零春天堂等處田十餘頃清道光七年歲旱源竭李許都與零春爭水訟久不決十四年巡道張涓春勘定馬蝗山水由李許都築陂灌田零春等村則專從大江築壩引水入田兩造訟息水利均分云

零春塘在縣東二十里可灌村邊田十餘頃以上永豐里

流沙井在縣治北三十里其水夏涼而冬溫灌田八十餘頃與那細泉相會流長二十餘里入於海

那細泉距縣治三十里又名官地大井寒泉鬻發木石清幽與流沙井相會灌田七十餘頃

流塘在縣治北三十里大小十五畝發源於流沙井水性寒冽浴者多感冒塘中可種稻附近居民築堤中開水洞三十月後塞水備用至來年四月始開之

黎穴井在縣北四十里龍山市之北灌田約十畝

交龍井在縣北二十八里灌田數畝

懷井在縣北四十里龍山市坎灌田三十畝

梅家井在縣北二十里梅家山下灌田二十畝

簾井在縣北三十里灌田十畝

羅懷井在縣北三十五里劉屋村左側灌田二十畝土名風頭井

淡井在縣西北二十里泉雖淺而流不息惟地低近海只灌田數畝若能製水車以車水則高田皆可灌也

盛堂井在縣西北三十里井基甚高而泉甘美

松臺井在縣西北三十里明正德十年陳文澤鑿成泉清澈底雖旱不竭

塘邊在縣西北三十里塘邊村廣約十二畝深約八尺旱時汲用外可澆菜圃

創隆塘在縣西北二十九里四時不涸可資灌漑

邁格塘在縣西北二十五里四時不涸可資灌漑

牛頭潭在縣西北二十五里四時不涸

小狗潭在縣二十二里

儋

縣志

卷二

地輿 井塘

十四

瓊州海口海南書局代印

水疏潭在縣西北二十三里爲順成里西北部海運入口之路惟候海潮漲時方通小船

橋山潭在縣西北二十四里爲順成里西北部海運之路惟候海潮漲時方通小船

潭龍潭在縣北十八里爲順成里中部海運之路惟候海潮漲時方通小船

潭龍塘在縣治北二十里潭龍村南民國二十年村人築堤以障溝水而成廣可十畝塘

內淡水入堤而止設壩以資啓閉塘中魚類甚多

平正石在縣二十五里高隆村邊有石平正橫長一丈一尺直長一丈五尺村人舊築書舍其上今廢然礎廓尙存 以上係順成里

飛沙塘一名陰陽塘在廉根村之南其水可灌菜園

南行塘民國十八年開掘其水可灌菜園

黎母井在第一南村之北不須人工可灌田三十餘畝

美里井在美里村之西前清光緒廿四年鑿成泉清而甘雖旱其水可給村市數百家之用

乳泉井在唐屋村之西水色如乳汁水量雖旱不減附近鄉村多利賴之

牛周陵井在廉根村之北雖旱其水可供數百家之用以上清泰里

南岸海井在新英對面潮長時鹹水鋪過潮退時水甘如故每日由新英駛船至近井處汲水滿載回新英沽每担七八仙紅魚船出海時向水船購買尤多

那羅井距涌源村三里來源充沛可灌兩熟田一千担禾左右

官地大井在官地村陳氏大宗祠之左來源充沛可灌兩熟田三千餘担禾

海場井在王坡峨嵋對海地中間其水可供數百家汲飲之需

龍穴井在涌灘許屋村左邊其水可供涌灘浦數百家之需

楊士井在楊士村右邊來源充沛可灌兩熟田一二千担禾

瑯珩大井在瑯珩村邊井泉清甘雖旱不涸有一水獺出沒此井

新春村井水泉清甘雖旱不涸此村椰樹林立大小約有千餘株全縣椰樹種多之村以此爲最

文江泉井在峨江上浦面前石砌如蝦形源深尺許其泉不竭惟此井近海潮來則鹹不可飲潮退則味甘如故每一日千家汲之不竭不汲亦不至泛流夏日則水清涼冬日

儋

縣

志

卷二

地輿 井塘

十五

瓊州海口海南書局代印

則煖如煑沸昔人題云**帳**井泉甘世所稀瘦男瘦女飲而肥古傳峨江三十六泉此居其一以上登龍里

塘源一名鹹塘距涌源一里五月間海潮長時水流入塘內其味頗鹹是月後水味潮淡而源亦充沛旱時可供千百牛馬渴飲之需

四角井在石門唐屋前水深丈餘日正午時水清見底雖微物皆可見足供千數百家汲飲之需

梧根塘在梧根村之右長約十餘丈闊約二丈餘塘水充沛能灌溉稻田八里路之遠

書井在書井村羊氏宗祠之左四五月間雖旱不涸可供各鄉村千餘家汲飲之需

陳村馬蘭老井在陳村面前井底水泡湧起雖旱不涸可供汲飲外灌溉稻田數千頃

干冲井在干冲夏蘭村之右井底有奇石一塊水從石孔出味甘而盈

永源井在沙塘村之右井泉甘足可供衆飲

鹹井在鹹井村之右前清黃智舉人所鑿距海稍近水有鹽質故名鹹井

南路井在鳳巢老村之東深約丈餘井底有一大石時聞水聲轟轟鑿者乃破石通泉水

味清甘

黑石井在鳳巢深穴村之北深約一丈泉甘不竭雖旱可濟鄰村

村坡井與田乘井在壩頭村西南隅泉甘而足雖旱可濟隣村

七坊村井在七坊村之右鑿及一仞泉卽湧出雖旱水仍平井面日午時清澈見底

山井在鹹塘前井底皆石泉從石穴出雖早可供二三百家之用

琅琛井距書山村半里深約丈餘井底大石一塊中空一穴泉由穴出味極清甘雖旱可

供洋浦等村數百家之用

石泉井在山村村初有一白石與椰仔之果實相同縱橫約丈餘因鑿之爲井源頭四面

水甘足用井底有白沙如銀日午時俯視澈底微物可見

以上冠鰲里

御塘在鄧屋村前遠約五六丈寬約七丈長約三十餘丈流通莪廉港塘中有大然井二

口其水雖淡能養海魚井左有一石如牛狀稱爲石牛井右有兩石對峙如蛙狀稱爲

兩石蛙

海井在大祿域村邊海岸四圍廣約六尺深僅一尺泉味極清旱時多汲不涸不汲亦不

儋

縣

志

卷二

地輿 井塘

十六

瓊州海口海南書局代印

見其泛流可供千餘家之用

孫屋源池在書村十餘里之海灘中其水雖出自海中然其味則與海水異遇旱禱雨舊

傳靈驗

天然井在水田村左邊百餘步廣僅尺餘深僅沒甕泉湧井外流竟成渠獨惜其流入海

不能灌田耳

神塘距書村約四里不假人工橫約三丈縱約十餘里直流入海坎有天然井一水性清

涼當二月上巳日鄰村八士多來此遊覽

道南村右有一塘周圍約百餘畝自明朝時鑿成塘水汪洋遇旱不涸相距五六里鄰村

皆賴之

番村前約十餘丈田中有井水泉甘美雖旱不涸可供鄰村千餘家汲用

郎棉村右百餘步有井一水源充沛可灌田一屆旱時可供鄰衆汲用

以上拱極里

那好井近龍門與登龍里爲界泉流可灌田四十畝其泉由岩石底出由石面不見其泉

惟越三丈餘卽聽其潺潺焉井中常有大大魚重可二十餘斤

滿羅井距片石市南三里泉流可灌田十餘畝其田不需糞料兩熟皆收

新井頭在片石市東北六里泉目井底湧出可灌田數十畝

滿洲井在黃沙港岸間泉流可供數百家汲用外可灌田數畝

不了井在片石市東南泉水可灌田十餘畝

山井岩深約一尺其水最冷人不敢染指

香花井在片石市南泉味甘而潔可灌田十餘畝

美蔡井深約一丈泉甘而清盡日汲之不竭

龍騰井在黃沙港泉由片石而出惜流入海無灌溉之利

龍井在龍門山背泉味甘美汲取不竭以上承恩里

掃地坡在光村鎮之南面積約四千餘畝其土不甚膏腴耕種者稀惟林可適用於

黑墩溝其源二一由江花村田頂一由水頭村田頂流至小嶺相合爲溝其水可灌溉田

數千畝前鰲山村符南爺爺有九步埤每步埤有田千畝仍資此溝灌溉

蓮藕塘在光村村邊面積有二千餘担禾田之廣種蓮滿塘花時風景美麗此塘批租與

儋

縣志

卷二

地輿 井塘

十七

瓊州海口海南書局代印

商每年可獲蓮子之利數百元

白沙塘在白沙塘村後池分三處惜無蓄水四山圍抱人稱爲養龍池

石牛河在抱舍石牛河村邊有兩石如牛水流其間可灌溉田六七百畝以上係迎恩里

灰窰河距那大市十里有天然水力前經有人在河坎設水車一架石屋數間裝礮其內

借水力舂成香粉名爲香車自香燭紙寶不甚暢銷後此車停歇多年惟能改爲舂米

機亦可獲利其水力甚猛可設電燈機水磨水碓及工匠等機器沿河至岸荒坡頗多

如能設水筒以灌溉則農產必增加生利其水流經長坡舊城北門江入於海其上游

卽雅羅河現由政府派員創設船牛以渡汽車又南茶河上游那旺橋之南岸大熟田

頗多若在河裝置水管以灌田可收多小熟一春水利之應注意者此也

長塘水面闊三丈長約二十丈水深數尺可灌塘邊之田凡新村五檢頭黃坎番眞加菓

平地等村之牛皆飲此塘

深塘水面闊三丈長約七丈水深數尺可灌塘下之田

屋基塘面闊式丈長約八丈泉源不涸可灌屋基坡之田凡中間巷及各隣村之牛皆飲

此塘

鵝塘水面闊三丈長約六丈水深數尺可灌塘下之田

白水塘面闊三丈長約四丈水深四尺可灌塘下之田

碗窰井泉味清甘

以下係正嘉里

八角井在大星市外井泉湧如白馬味甚甘美附近各井外客到市飲之每有水土不服之患惟此井則無患

昌榮村井水常滿溢每年臘底下午井乾見底交新年子刻其水復溢

七坊大塘在樂善里七坊村之南七栢榔村之東面積約五十方里水量深時約七八尺

漲則由塘之西面流通大路河交珠江入海東北山嶺繚繞形勢巍峨塘中魚蝦甚

多鯉魚鱔魚爲尤多春夏之交塘涸時公衆定一捕魚之期屆期遠近鄉民以千百計

各有捕獲俗稱爲開塘

水鴨塘在德慶里距高山村半里因產有水鴨而得名塘寬約兩畝水深四五尺下漬游

坭兩旁毗接之田利於灌溉

儋

縣志

卷二

地輿 井塘

十八

瓊州海口海南書局代印

海井在海旁距柯坊村一里許味亦頗甘

廟山井在廟山村西

南翠井井深二丈許源泉不竭灌田數百畝

新井在大川村西舊無源水後因旱挖深鑿破一石泉從湧出不復乾竭

金泉井在靈山村前灌田數十畝

謝堦井在壩山村西灌田數百畝

新井在東岸村前灌田數百畝

橫穴井在積萬村北旱時鄉人悉來守汲

白衣井在蔡坊村白衣祠前井水從石出石無甚大井口如一字僅能容掌插入雖旱不

曾乾涸相傳白衣僧和靖雲遊至此會渴不得水將劍劃石上泉遂流出故其井口如

此

甘泉井在美蔡村前

南 井泉出樹下高出地面四五尺灌田數千頃

紅泥井在王五市頭味甚清甘大旱不竭

圖魏井在宣泮香蘭東北二里許六七口相連係李圖魏鹽課之地此地被水冲破潮退

甘泉湧出不溢不竭常出租於舟子載水回賣以幫納鹽課

鬻泮井在鬻泮村右邊

羊家井在長坡市東頭坊水味清甘大旱不竭

長坡新井在市西北味亦甘美天將雨先三日其水必白如乳

牛眼井在樓堂坡南鄧屋村北二井相距數丈雙對如牛眼故名

老坡井在廷瑞里三益新學西水極清甘

小村井在松林周坊村南灌田數十畝

大洞井在大山村西灌田數畝

樓堂井在坡東村前大旱不竭

塘田井在樓堂坡白衣壇西邊

品字塘在新地村內天將雨塘水起青苔色旋轉

儋

縣

志

卷二

地輿 井塘

十九

瓊州海口海南書局代印

青水塘黑水塘在州四十餘里二塘相咫尺先一塘清白後一塘綠黑不溢不竭

石牛潭在州治東八十里從沙鍋嶺發出至此滙而爲潭深不可測有石立水中頭角腹

尾宛然一牛漁人往往見之

葫蘆潭在州治東六十里水從石牛潭下狀如葫蘆亦深不可測久早有響則雨久雨有

響則晴響發每三五夜聲虺虺如雷遠聞二三十里

天角潭在州治東四十里水從葫蘆潭下至此必旋轉而後去旁有石嶺高可十餘丈怪

石堆積有二石尖如筭對峙左右中有石室名龍宮牀几櫂棹俱備惟門外有石壁封

閉如墻垣然每逢大旱求雨道士行香其中必沈身入水始得路從壁下小洞偏身而

入丁兆蛟偕游至此題五古一首一群山赴天角水繞羣山流時維重九日童冠喜偕

游石壁倚山生險峭如湧出泓水至其前欲登心戰慄振衣千仞觀風高吹帽寒衆嶺

爭聳秀雲端古木攢遠瀨响幽壑隔竹聞鳴鶴日色映丹崖晴沙飛雁落快哉下層巒

一笑幽懷開孺子觀魚樂羣言且莫回潭深不測處恐有蛟龍据其誰善升沉一探驪

珠去况聞有神洞洞門渺難尋農人祈雨至神亦降甘霖子姑忘言之莫問無與有山

水共清幽其名自不朽我有菊花杯更教逸興催夕陽高處照把酒共徘徊  
天穴潭在天角潭之北潭形廣圓四圍皆石上流則由石橋而入下流則由石橋口而出  
水中有小島可容三五人凡游泳者每想其上

騰蚬潭在州治東北三十里潭甚深相傳宋時陳道源故址因道源與土地鬪乃請龍  
滾滅其家道源欲上松林爲龍所追所騎白馬蹄痕猶在後鄉人忽見有蚬騰其中故  
名

鸚哥潭在州治東北三十五里水四時不涸春二三月鸚哥常到此

冷熱潭在州治東一百五十里蘭洋山下有黑白兩石對峙黑石邊水則涼白石邊則熱  
行人過此儘可洗澡俱稱其水之熱可燙鷄云

筍口井在白馬井東二井相去約數十步

遂圖井在沙鍋嶺面前十餘里水出可灌數千畝值大旱時民共霑其利焉

龍井出泉不竭在龍門梁屋村地相傳有龍升天

新村井在翰苑村

儋

縣志

卷二

地輿 井塘

二十一

瓊州海口海南書局代印

小村井在翰苑村

坡井旁又有落井在交成村源泉不竭可濟萬家井中所生之魚類皆一目亦奇境也

清泉井在新安村

美泉井在抱舍村

碧桂塘在新村大川村廣袤可數十丈

美塘在道南村

水石門在州東四十里長嶺江之中兩岸之石株連交界巉巖鱗疊壁立江中如天時大

旱水聲搏激必雨至久雨不晴水聲又激則必晴

陰井在州東四十里黑山溪之中兩岸壁屹兩石中起一石筍此處之水約深四五尺水  
流之聲韻叶清響宛似鑼鼓之音後石筍爲人推折水由此而淺而水音至冬天之時  
猶好

峙石塘在州東四十里長嶺江之中周圍皆石峙立難於容足廣袤皆約七八丈大其深  
不可測俗傳鄉人嘗人捕魚一日不反皆以爲水所溺越日其人反出咸問以其故其

人言入此塘底有三石如爐竈樣中有一穴上嶺摸有香爐各件宛似神壇一樣後此并無再入者鄉人禱雨至此輒多靈應又一名天穴潭

老媽塘溪在州東四十里發源扶鳩山延十餘里而下入於長嶺江兩岸沿江塞堰截水灌田數百畝

木葉陂在州東四十里長嶺江中灌田一百餘畝

官陂在州東四十里長嶺江中爲榕妙水村官公所築故名灌田一百餘畝

不憂井在沙陵橋村

神井在大坡塘村

### 地輿志十一一公路

縣治公路由新縣東經長坡洛基那大等市（儋屬）過和舍市（臨高屬）直達海口約四百里左右民國十八年通車

儋珠公路西南經王五市珠江市（支路通海頭老市）（儋屬）直達昌江縣約式百餘里

儋

縣

志

卷二

地輿 公路

一一一

瓊州海口海南書局代印

民國己巳十八年通車

王成公路由王五市起點經崇文里東營鄉至黎方大成市現下路已開成惟沿途橋梁涵洞尙未修造未經通車

中和里舊城公路南向起自教軍場至新縣治幹路通長坡來洛基那大北向名稱中峨公路起自東門外江水訖峨蔓市

景賢里巨域東自書村橋西至水井大地園中歷山屋坡水井坡公路長約五六里

儋英公路由縣治直達新英新街長約十華里

長坡公路民國十七年築敦那公路由縣治之敦教村邊經過長坡鎮邊次過洛基方抵那大由縣治至長坡公路三十里民廿三年五月間長坡開支路銜接幹路汽車可由支路駛過鎮內

龍山市民國廿三年開設中峨公路經過此市興復或可期也

中峨公路自中和鎮（即舊城）起經禁山村向北直貫清泰里至峨蔓市止路線四十里民國廿三年五月間開工建築路基已成惟橋梁尙未完竣

峨蔓公路由峨嵋市至木棠市長約二十里尙未通車亦未設立車站

敦那公路由新州之敦敦直達那大計一百二十里民國十八年通車那和公路自那大至和舍（臨屬）計五十里十六年通車東線可達海口那南公路由那大至南豐計三十里十八年通車此線可通黎方之和盛大成等市名那盛公路

洛基公路敦那公路車過市街北向轉西直達東成長坡抵縣南向即達那大民國年通車

儋大公路係由新縣至大星現在準備中由大星築經和南市至大成市計長三十里啣接那盛公路築經把黎市至金富鄉舖仔計長三十餘里那盛公路啣接至市外山林叢密地廣村稀荒地多而土質腴開墾種植其獲利必豐也

大成市公路由那大經南辰至大成直達和盛王成公路王五市至大成市糖舖市王成公路由糖舖市經過

和盛公路由那大至南辰四十里名那南公路由南辰經大成至和盛五十餘里名南盛公路

儋

縣

志

卷二

地輿 公路

一一一

瓊州海口海南書局代印

抱舍公路由縣至東成已通車由東成至抱舍出臨高新盈港直達海口規畫已定不日興工

田頭橋公路由縣至王五經南潢橋越廿八里至田頭橋越十八里至水渡江橋越二十九里至樂善里之舊洋橋由此直達珠江市

樂善里公路由縣治至珠江河止稱儋珠公路民國廿二年通車擬在曙碧市設車站陳漢光旅長計畫由雅星市開一支路通碧曙市與儋珠公路銜接現已徵工興築

德慶里公路自樂善里蒔園村起至海頭港口鎮訖長計一百二十里稱爲儋海支路車站設在老市鎮民國廿一年九月通車

昌文里公路一起自麻花村止於炳邦村稱爲炳麻公路長約三十五里一起自炳邦分支至副太平里雅星村長約四十六里稱爲炳雅公路二路尙未通車

# 儋縣公路一覽表

已通車

續志

名稱	官辦	起訖或接駁地點	長度	闊度	省縣鄉道
名公	民公	起訖或接駁地點	長	度	省縣鄉道
儋珠	官辦	由新州縣治起至縣屬珠江儋昌交界處止	一百一十里	二十二尺	省
儋那	官辦	由新州縣治起至縣屬之那大止	一百一十里	二十二尺	縣
儋和	官辦	由新州縣治起至舊城中里止	五里	二十四尺	縣
儋英	官督辦	由新州縣治起至新英港止	一里	二十四尺	縣區
那和	民辦	由那大起至臨高縣屬之和舍市止	五里	二十四尺	縣
那豐	官督辦	由那大起至臨高縣屬之南豐市止	五里	二十四尺	縣
儋抱	民辦	由儋那公路東成鎮分支至海頭老墟	三	二十四尺	縣
儋抱	官辦	由儋那公路東成鎮分支至抱舍市止	三	二十四尺	縣

志

卷一

地輿 公路

二二三

瓊州海口海南書局代印

# 儋縣公路一覽表

未通車

現在架設橋梁之中

公路名稱	官辦	起訖或接駁地點	長度	闊度	道	已否預算
公名	民官	起訖或接駁地點	長	度	鄉縣	興已
盛王	合官	由縣屬之王五市起至和盛市止	六	里十	縣	路已成
那盛	合官	由那大至和盛市止	六	里十	縣	橋架設
中峨	民辦	由舊州中和里起至峨岷市止	四	里十	縣	在開
星成	合官	由大星至大成市止	廿	里五	鄉	同上
星金	合官	由大星市至金富鄉止	廿	里五	鄉	同上
儋白	未定	由儋珠公路南橫村分支至白馬井	三	里十	縣	同上
中洋	未定	由舊州中和里至洋浦港	四	里十	縣	同上
儋臨	民官	由新州縣治起至臨高縣屬之新盈港止	九	里十	省	同上
雅歌	民官	由雅星至珠江市	二	里十	縣	預算本
炳麻	民官	由雅星至大炮市	二	里十	縣	年底成

儋縣志 卷一 地輿 公路 二四 瓊州海口海南書局代印

地輿志十三 廂都

舊宜倫縣為圖一十有四明正統五年州自領之併作三十二圖嘉靖二十二年以抱驛一圖補昌化縣存三十一圖正德七年又折抱驛異姓增為一圖仍三十二圖

東西廂 舊四圖今併為二圖

上版鄉 領都圖四在州北

天堂都 舊五圖後併為二圖 磨黎都 舊四圖後併為一圖 那細都 舊四圖後併為一圖

下版鄉 領都圖六在州北

零春都 舊七圖後併為三圖 譚樂都 舊九圖後併為三圖

仁溫鄉 領都圖十四在州東南

吳長都 舊三圖後併為一圖 李許都 舊三圖後併為一圖 新英都 舊九圖後併為三圖俱蛋戶

大英都 舊十一圖後併為三圖俱灶戶 抱驛都 舊一十二圖後併為五圖嘉靖二十年撥 圖補昌化縣止存四圖

新興都 正德七年折抱驛都異姓增為一圖

仁豐鄉 領都圖七在州治西

高麻都 舊七圖併為三圖 曾劉都 舊七圖後併為二圖 薛官都 舊三圖後併為二圖

此外有順化都 在州東南嘉靖 年知州蕭弘魯招撫高眼黎峒人一千六百有餘家立順化都編圖分里分糧一十五石

前都圖分三六九卯

東西廂 薛官一 高麻三 大英三 薛官二 抱驛四 零春三

長吳都 新英一 譚榮一 以上三卯

許李都 磨黎都 大英一 新英一 會劉二 高麻二 零春一

天堂一 抱譚一 驛樂二 以上六卯

天堂二 新興都 那細都 大英二 新英三 高麻一 會劉三

譚樂三 零春二 抱驛三 以上九卯

黎圖二圖

順化 抱驛五

# 地輿志十四 圖里

改圖爲里源

查州屬錢糧舊係民圖三十圖黎圖二圖共爲三十二圖除黎二圖另設圖差二名催收外其民圖三十分作三六九卯每卯十圖設立櫃頭二名每名各管五圖迨年久弊生各圖花戶隱寄飛灑遷移散處不定其戶名亦各圖牽連不一因此混亂不能按冊催徵迄嘉慶二十四年州牧錢公維清蒞任特照保甲法稟請上峰 准清查糧戶將三十二圖改爲三十二里無論某圖某甲錢糧多寡暨以州屬道路均勻編爲三十一里連博頓廩共足三十二里分爲三六九十卯以州東之將軍長坡洛基等一帶地方編爲三卯管下中和并景賢等里共八里州北之木棠太成等一帶地方編爲六卯管下清泰喬松等里共十里州西之新英王五田頭等一帶地方編爲九卯管下敦教今爲與賢里 遵化今爲德慶里 等里共五里州東南與西地處較遠之那大大星調南海頭等一帶地方編爲十卯管下長春保惠等里連博頓廩共十里 今止九里 立法精詳錢糧悉

儋

縣

志

卷二

地輿 圖里

一六

瓊州海口海南書局代印

歸有屬而民欠因此遂無積欠一清民情踴躍皆以德化敷施此圖之所以改爲里也今將所改各里名列載於後使後之君子共知 前賢勤政之苦心并驗其流惠於後者非淺鮮矣

嘉慶廿四年新設各里

中和里

舊係東西廂圖

景賢里

舊係李許都圖

永豐里

舊係天堂一圖薛官一圖

迎恩里

舊係零春三圖譚樂三圖

興仁里

舊係李許都圖

尙義里

舊係零春三圖

嘉禾里

舊係抱驛一圖大英二圖

附嘉禾里

舊係抱驛一圖

以上在州東糧納三卯

登龍里

舊係那細圖

順成里

舊係薛官二圖

廣潤里

舊係高麻三圖

冠鰲里

舊係曾劉一圖

承恩里

舊係磨黎都圖

清泰里

舊係天堂一圖

振德里

舊係零春二圖

拱極里

舊係譚樂一圖

延瑞里

舊係譚樂二圖

喬松里

舊係零春一圖

以上在州北糧納六卯

興文里

舊係大英一圖二圖初改敦教里

德慶里

舊係新英一圖二圖初改遵化里

興賢里

舊係曾劉二圖初改來薰里

同慶里

舊係曾劉一圖

以上在州西糧納九卯

長春里

舊係曾劉一圖

啓秀里

舊係長吳都圖初改名保惠里

太平里

舊係抱驛四圖長吳都圖

附太平里舊係順化圖 懷集里舊係抱驛一圖譚樂二圖 祥發里舊係抱驛四圖譚樂二圖初改文豫里  
儲英里舊係新英一圖初改彰信里 樂善里舊係抱驛五圖 昌文里舊係新英二圖抱驛五圖初改附同慶  
以上在州東南西糧納十卯

民國成立之後仍照稱里每里十甲所有各里里長指定收糧者由該里每甲輪流選戶承充惟設糧站者則由各花戶自行上納迄二十三年彭元藻縣長縣主任葉桂良施行調查田畝要政先行招考編繪員六十名訓練後即分派往三十二里調查各里田戶均遵照呈報計至年底可以結束吾瓊十三縣調查田畝成績惟吾縣優而且速足見縣長主任之善於辦理也嗣行清丈評價後則收地稅並無收糧之名目續志

民國二十一年分全縣自治區爲八區第一區管興文儲英中和景賢興仁永豐喬松七里第貳區管振德迎恩尙義三里第三區管正嘉禾副嘉禾懷集祥發四里第四區管啓秀長春正太平副太平四里第五區管崇文同慶昌文興賢四里第六區管德慶樂善式里第七區管廣潤冠鰲登龍三里第八區管清泰承恩拱極延瑞順成五里  
儋縣劃分八區管三十二里

- 第一區 三十八鄉鎮 七四二七戶
  - 第二區 三十鄉鎮 三七九二戶
  - 第三區 二十一鄉鎮 三五七一戶
  - 第四區 二十六鄉鎮 五二三五戶
  - 第五區 二十一鄉鎮 六三二三戶
  - 第六區 二十一鄉鎮 三三三三戶
  - 第七區 二十二鄉鎮 三四〇四戶
  - 第八區 三十八鄉鎮 五〇三〇戶
- 全縣統計八區 二一七鄉鎮 三八一一四戶 丁口詳見經正戶口門

- 第一區 儲英里 興文里 中和里 景賢里
- 第二區 振德里 迎恩里
- 第三區 副嘉禾里 正嘉禾里 懷集里
- 第四區 啓秀里 長春里 正太平里
- 第五區 興賢里 同慶里
- 第六區 德慶里 樂善里
- 第七區 廣潤里 冠鰲里
- 第八區 清太里 承恩里 拱極里

# 地輿志十五 習俗

儋習禮義之教有華夏之風

洪武二年詔旨

專務農業不事商賈

今亦多有習商賈者

純朴儉

約少有儲蓄家習儒

李光記

多藝工貝織布被婦女負販俗有古風

南海自秦併天下始通中

國夏無蠅蚊

東場書帖今亦有之

低田歲兩收

冬種夏熟曰小熟夏種冬熟曰大熟間有三種

疾病以巫為醫以牛為藥瓊俗無

醫開寶八年詔以方書本草給之今有醫而巫禱仍舊凡有病多延道家以祈佛逐鬼

芳鄰相助鑼鼓之聲至昏達旦間有奸巫偕奇門之術開出病家事端頗驗謂由某某

鬼作崇病家信之所費不少讀書家尙知禁忌而庶民奉之如神婦人尤甚以牛為藥

今無以檳榔為禮

食之能消瘴欸客以此為先

薯蕷為糧

地高少田處則種山禾或薯蕷粟豆兼食之

男女出入多縵布帕買賣

魚菜量物估直冠禮士夫家行之婚用檳榔

兼以菓葉果之屬以當委禽

動以千計至今有

金銀為締者綵幣諸菓惟女家是命喪禮間作佛事朝夕行奠禮每七日一奠至四十

九日乃止名曰滿七喪葬多用鼓吹故蘇子瞻嘗有鐘鼓不分哀樂事之句葬不拘年

月久近絕無水火之慘富者用灰隔石塚祭少祠堂惟奉薦於寢今則祠堂林立冬至

儋

縣

志

卷二

地輿 習俗

二一八

瓊州海口海南書局代印

團會宰牲設祭非復從前光景矣

舊志

舊俗尙佛相襲為佛會有上帝會白衣會天妃會鄧天君會羊元帥會大邨大會小邨

小會各以其類相賽不可勝數每會中選出各人營辦交迎裝飾五綵鑾輿不下數十

百神駕既近每到邨所即大饗會中人相聚酒食連日豆肉生熟皆有額貧者鬻產以

為之甚者鬻子

是甚言其害豈有此事

至不敢避鄉無老壯時以佛為事每邨立一廟或二

三廟最為嚴整子弟自幼但知隨父兄從事於佛雖有明秀之姿亦格於習俗而不知

重學此風教之所以日汚而人才所以不古也歟知州蕭宏魯申明禁革附城西南今

已稍減能繼而嚴禁之斯可盡變矣

蛋俗

蛋人居海濱之沙洲茅舍

今皆用瓦且多粉飾

男子鮮事田圃維緝麻為網罟以捕魚為生

業子孫世守其業

今多立學校通商賈成市鎮

歲辦魚課婦女專事螺蛤之業販挑上市紡

織者少

番俗

本占城人

在崑州南舟行二日可到

宋元間因亂繫家駕舟而來散泊海岸謂之番浦不與

土人雜居不食豕肉他牲亦湏自宰見血家不供祖先一邨共設佛堂一所早晚念經禮拜每歲輪齋一月當齋不吞涎見星月方食以初三日爲起止開齋日聚佛堂誦拜沒不用棺布裹向西而葬大率與回回番名教相似今皆附版籍採魚食豕肉無齋會矣以上舊志

客俗

本潮州嘉應人 國朝嘉道間因亂逃亡見祥發懷集嘉禾數里地多山谷遂挈眷聚處嘉道以前來者爲老客咸同以後來者爲新客新客多肇慶府恩平開平人其俗言語衣服冠婚喪祭皆率其舊與本處風俗多不相同故皆自爲婚姻不通戚屬致與鄉人時相詬誶光緒初年新客與那大等處爲難老客暗中助之蹂躪至百餘村殺斃至千餘命鄉人逃走幸有和平縣教諭拔貢生卓鳳舉刑部主政卓超舉兩兄弟親行上控雷瓊道劉鎮楚提督軍門鄭紹忠親行勦辦始行解散近頗稱安謐而爾我之情畛域猶多未化雖與通州大局無關而同壤接境之處不知何日獲覩同風之樂也前續志

儋

縣志

卷二

地輿 習俗

一一九

瓊州海口海南書局代印

是以州話共有數種一曰軍話與南省官話正音相同而聲韻頗長此乃五代前士夫以軍戍儋遂相傳習故名軍話成市皆通行一曰鄉話字平聲言則仄字仄聲言則平惟人聲字仍照仄言此乃由高州梧州傳來故今聲調頗異而與高梧人言皆通蓋外人來儋惟高梧人爲先且多故其言傳徧鄉間也此二種爲州中言語之大宗而鄉話爲廣通鄉話者不必定通軍話而通軍話者必定兼通鄉話蓋軍話僅行於城市而鄉話則通行里巷里巷多而城市少非通鄉話不能相與往來也此外近黎者則言黎話近臨高者則言臨高話來自吳川者則言吳川話來自潮嘉者則言潮嘉話來自瓊文者則言瓊文話話多不同然居鄉必定兼通鄉話居城市必定兼通軍話鄉話鄉其鄉固不能不言其言也前續志

衣服之制山居之鄉多尙樸素海濱之鄉多習奢華邇來士商出入耳濡目染未免過於奢華惟婦女則無論城市鄉村常時純以青布爲服自織自染顏彩亦頗可觀雖嫁時亦通服綢緞然多製亦不過三五件餘仍用布前此貧家及近黎之鄉多有穿裙者數十年來皆已改裝穿褲惟貧民一二尙無可如何耳婦女通無纏足犁鋤井臼皆能

兼任故貧民亦多習讀

前續志

鄉間婦女衣服多用膠水漿糊無論寒暑不甚合衛生近來多服土布膠糊之習多已改良至於紬紗紡縐婦女多以爲常服者物質文明其進化也速而耗費金錢亦多也婚姻儀節南境多尙親迎北境惟士夫家行之冠笄皆期前二三日禮多從俗與朱子家禮多有異同問名定聘富家用金首飾貧家用錢多少無定結婚用鸞鳳帖寫男女年庚富家用金鐲貧家用銀鐲皆兼用饜饜麵條猪肉以延請親戚悉惟女家是命平時則年節與喜慶事皆有送禮及嫁娶則城市以錢銀鄉村以猪酒邇來亦多兼用錢銀者請客專用檳榔與菓葉不用帖欸客又兼用茶餅多少由女家命辦新婦至家無論親迎不親迎即日皆盛服拜先祖三日拜公姑如親迎則三日婿與新婦同赴外家拜父母謂之謝花不親迎則俟新年而後拜

前續志

祭祀在家則正月初一爲慶賀節五月初五爲端陽節七月十四五爲投衣節臘月除夕爲除歲節家家皆備牲醴祀先其餘則遇神佛誕日亦間有薦祭冬至日通族會祭於祠堂二月初三祀文帝五月十三祀武帝中秋日合祭文武二帝及魁星於

儋

縣志

卷二

地輿習俗

二十

瓊州海口海南書局代印

學館亦有奉祀於家者社廟祀主禱風雨土穀之神定有常期每年或一祭或二祭祀儀盡由社首管辦社中之村或多或少悉備有衆錢生息以供祭祀故不至有賠累且城社祀用牲醴鄉村如上帝鄧君白衣諸誕祇用菓品無甚破費惟迎神接神則爾我競尙豐富是乃人自爲費非費於神也又有名開年祭或三五年一開或八九年一開率有常期每值開之年村中家家宰猪一隻酒一埕以供祭祀幸猪無論大小故貧家亦可勉行如清明墓祭城市多祀在節前鄉村多祀在節後大衆祖墳則祀在清明日多有宰牲者

前續志

清朝乾隆時知州王師旦精通地理嘗謂儋州東富西貧南仁北義雖屬形家之言而東南近山而多田西北近海而多石常有北石南草苦我到老之諺貧富之分固自有由惟言南仁仁則多柔而愚北義義則多強而頑是以南人之言皆委婉從容而諸事多退縮畏首畏尾往往爲權豪所制北人之言則發揚蹈厲而諸事多徑遂獨行獨斷往往爲鹵莽所誤南人惟退縮事之可否轉移悉聽諸人故訟獄之事多於北北人多徑遂事之成敗因任盡憑諸己故械鬪之事多於南將欲省訟獄當嚴治訟棍將欲清械

鬪宜重辦土豪是固官斯土者不可不知也。前續志

大抵風俗既歧則情僞難一。如行商作客則多巧詐，農人漁父則多魯朴，胥天下而皆同。惟儋分有軍話、鄉話、軍話，可通官長衙門司役，皆軍話；中人鄉話，則否。故軍話與鄉話相較，則軍話之情易通，軍話與軍話相較，則衙役之情易通。至鄉話與鄉話相較，兩情並不能相通，而欲借通於軍話，則軍話中人難保不以愛憎爲可否。此又蒞斯土者所宜知也。若鄉人而通軍話，聲名浪藉，並無傳喚，常入衙門，其話亦猶是也。前續志

俗傳軍話由東坡蘇公所教，其實非也。元明以前瓊爲安置罪人之地，凡軍戍於瓊者，非崖卽儋，故儋崖皆習知軍話。如儋話爲蘇公所教，則崖之軍話又將誰教也。前明吾儋有稱所人者，皆係軍籍，軍籍卽言軍話，確無可疑。前續志

儋之初開始於西北故舊州，卽滴灘浦，而東南諸村多由西北分去。至今則黎之歸化者，多由西北遷入者，不能得其一。二大星茅地禾盛大炮新洋西方等處，約五六千餘家。初時知識未開，外人爲政，諸受苛虐，近來則刁狡異常，頑梗視北境，尤其恃山深林密，往往滋生事端，差役一至或逃或抗。官府以水土之患莫可如何，外地渠魁又復籍

儋

縣

志

卷二

地輿 習俗

三二一

瓊州海口海南書局代印

爲巢穴而肆行嘯聚，此又臨民者所宜加意也。竊嘗擬其治，惟保甲可以處之。然而治法，治人談何容易，姑與委蛇可耳。前續志

俗好食檳榔果，食時翦削成瓣，包以萋葉，佐以灰及茶餅。昔人竹枝詞有云：「食檳榔口不空，南人口讓北人紅。」灰多葉少，如相等，管取胭脂個個同。遺志

舊志謂村市爲墟，墟者虛也。有人則滿，無人則虛，而村市滿時少，虛時多，故謂之爲墟。柳子厚童區乙傳云：「虛所賣之。」又詩云：「青箬裹鹽歸洞客，綠荷包飯趁墟人。」卽此也。遺志

民間習俗由狃榛而文明，乃天然演進之勢，不過有遲速之分耳。舊志所載（以巫治病）今亦有之。惟城鎮墟市及民智開通者，則專重醫藥。若在北岸一帶，與正副太平長春啓秀等里，雖須醫藥，然多數採山坡之生藥，或扶童開方，拜佛指示，仍不免乞靈於巫。前續志 近日科學發明，縣長彭元藻奠基建，築提倡平民醫院，將來惠及平民，救治甚多，非復昔日之信巫矣。新志

（葬喪不拘年月）其弊一因於迷信風水，一因虛文超渡。舊志 近來衛生之學將次普及，而念經犒七之虛僞，稍有識見者，殊多不信。按諸古禮，大夫三月而葬，士二月而葬。

士大夫猶如此而庶民之不可久留棺柩妨碍衛生虛糜金錢爲甚明矣普通習慣葬在一月之內人心風俗自當適各<sup>新志</sup>

舊志載子弟幼隨父兄從事於佛迷信事佛數縣皆然不獨吾縣一處也<sup>舊志</sup>然近來掃

滅神權之說日增一日信者小能免而迷者則甚稀在縣治市鎮地方偶像已消除大半其所祀者不過前經列入祀典最著名之數神而已屬在村鄉雖奉祀如常然執其人而問之鮮不以破除迷信相對可知其心理亦不區區從事於佛矣<sup>新志</sup>

舊志載（土客隔膜易於肇亂）非我族類其心必異此乃對異族而言若黃帝子孫皆屬同胞何有異族之稱年前村鄉之對於墟市因習慣之不同致人心之各異初則因細故而競爭後則因仇視而械鬥吾縣惡習此爲甚著近來大倡五族同胞之說習聞中國一人之言土客之通婚姻同習尙其事迹已不致分歧若能於教育中使其道德涵濡禮教感化不難盡除此惡習也<sup>新志</sup>

舊志載（語言多種每易間隔）語言多種非有害也害在自相間隔耳近來教育方面或稱言文或稱國語無非以此統一言語使感情易於相通也行政司法機關近又以廣

儋

縣志

卷二

地輿 習俗

三二一

瓊州海口海南書局代印

州話爲普通應答年來吾縣學生遊學京滬廣州者已不乏人均注意語言一得於校內受教時聲入心通一得於社會交際時心領神會眼光日大則微疵自消只求心裡之無畛域不關語言之間隔也<sup>新志</sup>

舊志婚嫁一節聘金聘儀與今無甚差異大凡昔儉而今奢昔質而今文獨可異者惟續婚問題民國成立後經設風俗改良總會在東坡書院陸續設在王五馬井新縣等處對於應興應革者雖多而以再醮婦之黑路錢爲尤痛恨先夫家之聘金易於說合惟孀婦之外父母每需黑路錢必四五倍於先夫家之聘而該婦外家之兄弟及叔伯仍有需求每人數十元者諺云（新婚不若後婚難）實因於此然市鎮之人則無此弊端且市鎮對於再娶必先聘後婚若鄉村不但先婚後聘且並受此（黑路錢）之需索教育普及之後應加意消除此劣習免爲文明之污點可也<sup>新志</sup>

舊志縣俗定婚問名每在數歲以內然數歲問名諸多危險或因家貲之貧富而悔婚者或因面貌之妍媸而退命者男女當年幼時迫於父母之命及稍有智識有不遂意早生厭棄之心縱爲鉗制之嫁娶日後生出孽因惡果其害皆因於定婚之太速民國元

年儋縣民政長 （元年暫行官制縣長稱爲民政長）

陳天輔兼司法官所理妨害婚姻案件關

於定婚太早十之八九遂提交縣議會議決凡定婚男子須在十三歲以上女子須在十式歲以上現查大理院定例男子須在十七歲以上女子須在十五歲以上方准定婚綜觀以上兩條盖有鑒於定婚太早之害而酌定適宜之方法也爲父母者欲爲男女定婚須參酌適宜者而行之成年之男女先有同意結婚之後不致生柄鑿之嫌君子偕老庶幾可歌也 新志

縣屬房屋彼下而竹籬茅舍上而西式樓房姑不具論 孫總理云衣食住行務求合宜住卽房屋之謂也其在有識見之輩其構造屋宇必先研究多開窗牖以通空氣而透光線若泥守之家正廳兩房或則以瓦筒作數圓穴於兩房前面之牆稍進則每牆安一綠窓光線空氣既已閉塞炎天則必多疾病雖寒天可以倖免然亦多皮膚之灾此乃素日留心詢問居民所得之經驗也或謂開窓多而且大每易失盜是又不然門非大於窓耶是在建築之堅固而已造屋者無論如北境之多以石砌南境之多以磚砌山居者之多織篳篥總求多通空氣多透光線以重衛生是所厚望也 新志

儋

縣

志

卷二

地輿 習俗

二二三

瓊州海口海南書局代印

村鄉基址與都市不同都市屋巷犬牙相錯鱗次相依既無隙地之可言如在村鄉選基先計劃房屋後即留出半畝之地種花樹菓領畧生機且花菓餘地可以供小兒打球嬉玩不致外出遊耍吸此不良之空氣即遇炎天酷暑亦得仿（桐陰消夏）之韻事咫尺間有清涼世界也 新志

地輿志十六 節序

立春之日長官迎春坊里各舖行裝辦雜劇城廂內外男婦各攜負幼男女競看以豆谷灑土牛謂之消痘疹 通志 立春日有司迎勾芒土牛勾芒名拗春童著帽則春暖否則春寒土牛色紅則旱黑則水競以紅豆五色米灑之以消一歲之疾疹及鞭春廂民分左右推仆以占凶吉

正月元旦城中辦糖糝糖圓鄉落辦米粿及諸菓品以供歲祀初三日早書帖釘赤口於門畧叙飲宴羣邀漁獵謂之鬪口初六日後各坊用道士祈福沿門貼符禳祭名曰逐疫或擡神像出行設醮燃燈夜作鞦韆爲戲上元於通衢立竿竹結篷綴燈於上燒

燃放火樹地鼠又放謎燈自十一日起至十六夜止城外鄉村無此不十四夜婦女潛入

園中擷取菜菓曰采青謂可以走百病十六夜城門不閉婦女結伴而出或探親或謁廟

名曰走百病鄉村或作道場祈豐年舊志自清咸同後已無此習惟採青間有之

二月雷禁凡一切事初二三日皆不興作犯禁者有罪近已無此十二日慶寧濟夫

人誕十九日慶觀音誕三月清明日先期添墓土除草萊至期男婦載酒殺上塚張掛

紙錢婦女簪榴花疑是杞子花俗名梯之花謂不害眼初二日慶真武誕念三日慶天妃誕

五月端午日饜角黍諸粽相饋男婦繫香袋兒女綵索纏臂塗雄黃飲菖蒲酒柳艾懸

門十三日慶 壽亭侯誕二十八日慶 城隍誕

六月祀竈六日晒衣

七月自初一至十五日家家各具牲體焚紙衣以奉祖先

八月中秋聚親朋賞月煮蘋去皮食及食柑蔗名曰剝鬼或作桂皮皮戚屬以月餅相遺

贈

儋

縣

志

卷二

地輿 節序

二四

瓊州海口海南書局代印

九月九日以糯米糕相餽今久無此好事者亦具酒殺登高會飲小兒放風箏

十月朔士夫間或祭墓

十一月冬至日俗不多尙士夫亦拜賀通志云冬至圍爐而食曰打邊爐

十二月鄉民有祭祖祭雷之舉俗之婚媾死喪移徙多於是月舉行二十四以竹枝掃

屋塵換爐灰夜具酒果送竈君朝帝除夕午後具酒食祀先謂之除歲又具酒禮送尊

長謂之送節合室長幼盛陳酒饌爲父母圍爐至夜各燃火於門外俗云燒火盆焚辟瘟

丹放紙砲爆竹一鼓復設酒果迎竈君掃塵竹帚以破籬載之謂之送窮廳堂廊室俱

點燈共坐不寐謂之守歲各家則焚紙馬易門神桃符風土好尙大畧如此照舊志抄錄

與今俗多不同

農家俗忌日

正月元日喜乾俗云冬濕年乾禾米滿山

二月初二三日雷禁不敢工作以祈雨暘時若

三月初三日雨則天蠶損秧旬多風雨田水易乾雨則穀糶電則死

四月八日雨則殺虫不蠹禾

五月端午以雨測田不雨高田傷早雨低田傷惟晚雨俱宜芒種以星候種

五六月南風宜早禾夜熱則雨

七月初七日雨利狗尾粟禾稷卷耳則多風西風起則穀糝

十月以雨暘知來歲自朔日至十二日當下一歲之月雨則其月多雨暘則旱

祭竈以鷄骨占年占其左右孔數相對大豐缺一則歉占其首骨有黑點則豐否則歉

十一月冬至日雨知有年俗云冬乾年濕禾米無粒凡冬夜煖則雨

十二月除夕以天色昏明占所宜谷昏黑宜豆宜小熟黑芒禾光明宜白芒禾他如以虹占旱以颶母對日則風急附日則風遲

蜂窩高則無風苦蘆葉幾節則幾風占風以西北風占海溢以榕根白牛乳子瀉蟻路搬入占

雨以春鵝子多小熟禾味無香占豆谷以霜冷占麥以五色雀占旱澇以海水熱占荒

諺云海水熱谷不結海水涼谷登場以益智實占豐歉等測皆有驗

儋

縣

志

卷二

地輿 節序

三五

瓊州海口海南書局代印

# 地輿志十七 紀念一覽表

類 別	日 期	紀 念 日 名 稱
國慶紀念日	一月一日	中華民國成立紀念
同上	三月十二日	總理逝世紀念
同上	三月廿九日	革命先烈紀念
同上	五月五日	革命政府紀念
同上	五月九日	國恥紀念
同上	七月九日	國民革命軍誓師紀念
同上	十月十日	國慶紀念
同上	十一月十二日	總理誕辰紀念
國民黨紀念日	三月十八日	北平民衆革命紀念
儋 縣	志	地輿 節序
同上	四月十三日	清黨紀念
同上	五月十八日	先烈陳英士先生殉國紀念
同上	六月十六日	總理廣州蒙難紀念
同上	八月二十日	先烈廖仲愷先生殉國紀念
同上	九月九日	總理第一次起義紀念
同上	九月二十一日	先烈朱執信先生殉國紀念
同上	十月十一日	總理倫敦蒙難紀念
同上	十二月五日	肇和兵艦舉義紀念
同上	十二月廿五日	雲南起義紀念
	八月廿七日	孔子誕辰紀念

儋縣志地輿卷<sub>二</sub>首  
校誤表

卷首

卷一

卷二

二十二	十五	十四	十	九	篇
陽	外圈	陰	陽	陰	頁
五		六	二	二	行
三十五六		十一	六	二十七	字
	星野	變	驚	驚	誤
十八原漏	風候	燮	鰲	鰲	正